

四庫全書

子部

欽定四庫全書

子部

普濟方卷二百八十三

詳校官太醫院吏目臣周世泰

編修臣倉聖脈覆勘

總校官進士臣楊懋珩

校對官中書臣楊世綸

謄錄監生臣姚元煥

欽定四庫全書

普濟方卷二百八十二

明

周王朱橚撰

癰疽門

總論

經云黃帝問於岐伯曰癰疽何以別之岐伯答曰榮衛稽留於經脈之中則血溢不行衛氣壅遏而不通故生大熱熱盛則肉腐為膿然不能陷於肌膚骨髓不為焦枯五臟不為傷損故命曰癰黃帝曰何為疽岐伯答曰

熱毒熾盛下陷肌膚骨髓皆焦枯內連五臟血氣痼竭
當其病下筋骨良肉無餘故命曰疽疽者其上支已夭
堅如牛領癰者其上皮薄已澤此其候也黃帝曰善然
五臟不調則致癰久患消渴之流亦多發癰疽之疾岐
伯曰喜怒不測飲食不節陰氣不足陽氣有餘榮衛不
行血氣不通而熱相搏乃發為癰疽凡服乳石之人常
須小勞怡悅神思夫乳石之氣隨開而行遇閉而止止
則血脉凝澁瘡疣生焉或不遂志欲加之以怫鬱憂憤

蓄積貪恣驕狠飢飽勞逸負恃之變遂致血氣大結固而為病論云夫陰陽蘊結臟腑為之積聚血氣凝溢滯衛為之壅滯陽滯於陰則生癰陰滯於陽則生疽癰疽之生有內有外內則生胃腹腑臟之中外則生膚肉筋骨之表凡此二毒發無定處而有常名夫壅滯之本者始於血老不作汗肉陳不脫垢蒸氣不能外達留積遂成內熱所為也夫癰疽生膿水之成非天降非地出蓋積微所成也凡癰疽癰腫纔萌之時並須以湯水注射

之欲治此疾先須辨識定其淺深究其根源療之必愈
熱發於皮膚之間是以浮腫根小至過二三寸者為癰
也六腑積熱騰出外肉之間其發暴盛腫皮光軟侵展
廣大為癰也五臟風毒積熱攻焮於肌骨風毒猛暴初
出一頭如瘡癰形白焦枯觸之應心者疽也癰起於六
腑浮達易理若燎原之火外潰膚肉疽生於五臟沉澁
難治若陶室之燧內消骨髓癰則易治唯難將息而遲
瘡疽則難療易得瘡復癰與癰初生並宜灸之為其氣

本浮達以火導其熱令速暢也疽則宜烙不宜灸為其
氣深須達其源也又已盛是膿慎勿可灸則須針烙方
能瘥也凡瘡癰生於外皆由內熱所致當要服藥以下
之終須外療以求瘥服藥所以助療法也夫治癰疽須
以湯液疏其內針烙疏其外然則癰疽有虛有實虛則
補之實則瀉之有實熱者易治虛寒虛邪熱多者難愈
腫起堅硬膿稠者為實腫下軟慢膿稀者為虛蓋病者
多為方法而無次叙臨時倉皇何能辨於此疾淺深是

以斃也凡癰疽瘰癧不問虛實寒熱皆由氣鬱而成經云氣宿於經絡與血俱澁而不行壅結為癰不言熱之所作而後癰者此乃因喜怒憂思有所鬱而成也此屬內因又有熱被風冷搏之血脉凝滯不行熱氣壅結而成亦有陰虛陽氣湊襲寒化熱熱盛則肉腐為膿此屬外因寒熱風濕所傷而成也又服丹石及炙燂酒麪溫床厚被所致或盡力房室精虛氣竭所致者此屬不內外因所傷而成之也如是但陰陽不平有所壅結皆成

癰疽而此二毒發無定處當脉別之洪浮滑數則為陽
微沉緩濇則為陰陰則熱治陽則冷治○癰疽之疾二
十餘証燔發石發巖發蜂窠發蓮子發椒眼發連珠發
竟體發有腸癰內發腦發背發眉發顙頰發肺癰腎癰
疔癰臍癰臀發腿發外有手發足發穿當發鬚癰爪瓠
發大率隨病淺深分證內外便行施治不可遲緩毋致
孔洪方為妙手凡癰疽始作便有發熱惡寒或有痛處
脉浮而緊是欲為癰疽非傷寒之候也經言五臟不調

致疽六腑不和生癰一曰癰疽急者二三日殺人緩者
十餘日殺人二曰癰疽急者十餘日殺人緩者一月死
三曰緩疽急者一年殺人緩者數年死四曰水疽所發多
在手足數年猶可療疽有數十種若如此千般發癰之
疾所發緩地不殺人所發若在險地宜令即外消一為
腦戶二為舌本三為玄癰四為候節五為胡脉六為五
臟擊八為兩乳九為心鳩尾十為兩手魚十一為腸屈
之間十二為小道之後十三為九孔十四為兩脇腸十

五為神主之舍

一本云主客之舍

凡十五處不可傷而況於癰

乎若癰發此地遇良醫能不及大膿者不救致大膿害

及矣黃帝曰願聞癰疽之形與其期日岐伯曰癰疽之

極十八腫又癰疽發咽名曰猛疽猛疽不療則血化為

膿為膿不瀉塞咽半日死其化膿者瀉已則含豕膏無

冷食三日而已一云無食發於股肱名曰股脫疽其狀

不甚變而癰腫膿搏骨不急療三十日死

髀內曰股股外曰髀膝上

股下骨稱曰股肱也

發於脇名曰改訾訾者女子之疾也久之其

狀大癰膿其中乃有生肉大如赤小豆療之方剉連翹
草及根各一斤以水一斗六升煮令竭取三升即強飲
厚衣坐釜上令汗出至足已發於尻者名曰兌疽其狀
赤堅大急療之不療三十日死發於脰者名曰兔嚙其
狀赤至骨急療之不療害人發於足上下者名曰淫其
狀大如癰不急療百日死又發於眉及臍者名曰疵疽
其狀赤黑急療之此令人汗出至足不害五臟癰發四
五日逆炳之上灸百壯石子當碎出也不出可益壯又

石癰者始發皮際相親著不赤頭不甚堅微痛熱熱漸
自歇便堅如石故謂之石癰難消又不可得自熱縱愈
皆百餘日也又發癰兩頭牽而傍推無根者又不痛結
筋非癰也發癰狀如蛇雖極大此肉瘤非癰也腫一寸
至三寸癰也三寸至五寸癰也五寸至一尺癰疽也一
尺至三尺名曰竟體疽腫成膿九孔皆出諸氣憤鬱不
遂志欲者多發此疾癰及疽血瘤鼠乳石癰結筋癰瘰
皆不可就針角針角少不及禍者又發於腋下堅赤者

名曰米疽療之用砭石欲細而長踈啟之塗以豕膏六

日已勿裏其癰堅而不潰者為馬刀挾纓急療之

太素經曰

頸前曰纓

發於股陰者名曰赤弛不急療六日死在兩股之

內不可療一云六十日死發於膝者名曰疵疽其狀大

癰色不變寒熱而堅勿石石之死湏其柔色異乃石之

者生

冷不熨之柔乃破之準例破之也

又諸癰腫之發於節而相應者

不可療

太素經云膿入節開故不可療也

又發於陽者百日死又發於

陰者三十日死

丈夫陽器曰陽婦人陰器曰陰

又發於踝者名曰走緩

疽其狀肉色不變數石其輸數而止其寒熱不死

冷石熨其

所由

又發於足傍者名曰癰疽其狀不大初從小指發

急療之去其黑不消輒益不療百日死

傍云足外側也

又發胷

者名曰井疽狀如大豆三四日起不早療下入腹入腹

不療十日死

太素經云寒熱不去十日死

又發於足指者名曰脫疽

其狀赤黑死不療不赤黑可療療不哀急斬去之得活

不去者死又發於膺者名曰疔疽其狀如穀實瓜萐常

苦寒熱急療之去其寒熱不療十日死死後出膿又發

於頸者名曰天疽其狀大而赤黑不急療則熱氣下入

淵腋前傷任脉內薰肝肺十餘日死

太素經云項之前曰頸也

凡五

臟六腑膜中府隱隱而痛者肺疽也上肉微起者肺癰

也

中府在雲門下一寸六分乳肋間動脉疾手陷中是

臣闕隱隱而痛者心疽也

心上肉微起者心癰也

臣闕一穴在鳩尾下一寸是

期門隱隱而痛

者肝疽也上肉微起者肝癰也

期門二穴在第二肋傍一寸半直上兩腋旁

章門隱隱而痛者脾疽也上肉微起者脾癰也

章門在季肋端

一名長手一名肋宛

京門隱隱而痛者腎疽也上肉微起者腎癰

也

京門二穴在期下五分是

中管隱隱而痛者胃疽也

中管一穴在名太倉最上

管下一寸

天樞隱隱而痛者大腸疽也上肉微起者腸癰也

天樞二穴在臍兩傍各二寸中是

丹田隱隱而痛者三焦疽也上肉微起

者三焦癰也

丹田一名石門一名精室一名命門一穴在臍下二寸

關元隱隱而

痛者小腸疽也上肉微起者腸癰也

關元一名液門一穴在臍下三寸

右

驗其所患依據此審定癰疽淺深病從何臟腑發先

曾食乳石又驗其氣虛實參詳而療之。背面九處不

可患瘡第一入髮際為玉枕亦為舌本第二項頸節第

三為崇骨第四大椎為五臟第五脊骨兩邊肺俞穴第六夾脊骨兩邊脾俞及肺俞穴第七脊骨兩邊腎俞二穴第八後心鳩穴第九鳩尾骨穴正面五處不可患瘡第一喉骨為垂膺第二當胃前為神舍第三為心鳩尾第四當兩乳穴第五臍下二寸為腸之間側面三處不可患瘡耳下近耳後牙車尖中陷中為喉脉一穴當膊下一穴為眉骨承山上三寸一穴膈腸。凡患人目中赤脉從上下貫瞳子者一脉一年死二脉二年死若脉

下者藥之必瘥又曰患人面忽有赤色多貫上下如脂有赤色從額上下至鼻又黑色出額上大如指及連鼻上至眉又有赤色垂者並為死候不可藥。夫癰疽破潰之後其形狀有逆有順眼白精黑而眼小一惡也不能下食納藥而嘔食不知味二惡也傷痛渴甚三惡也髀項中不便四肢沉重四惡也聲嘶色脫唇鼻青黑面目四肢浮腫五惡也煩躁時嗽腹痛渴甚泄利無度小便如淋六惡也膿血大溢焮痛尤盛膿色敗臭不可近

之七惡也喘麤氣促恍惚嗜卧八惡也未潰先黑久陷面青唇黯便汚者九惡也更有氣噫痞澁咳嗽自冷自汗無時瞪目耳聾恍惚驚悸語言顛錯皆是惡證動息自寧飲食知味一善也二便利調二善也神彩精明語聲清朗三善也膿潰腫消色鮮不臭四善也體氣和平五善也五善見三則吉諸惡見四必危若五善併至則善無以加九惡駢臻則惡之劇矣○病者脉數身無熱反洒淅惡寒若有痛處皆發其癰腫欲知有膿無膿以手

掩上若熱者為膿不熱者無膿此亦大類說也若脉不數不熱而痛者蓋發於陰也不疼尤是惡證不可不知凡熱盛脉數即用漏蘆并單煮大黃等湯不甚熱脉緩弱只投五香連翹湯其他依四節八事次序便推三因以用其藥未有不全濟也診其脉浮數而洪緊者其瘡腫臂作常身熱煩渴飲食知味此乃六腑不和大則為癰小則為疔其勢雖急投以涼劑亦多全活若診其脉沉細而伏或沉緊而數初發之瘡其微或無瘡頭身不

發熱而內燥體重煩疼情緒不樂胃膈痞悶食不知味
或惡聞食氣五臟不調為疽屬陰蓋癰癰則屬腑故發
之浮而淺其勢雖急而作毒緩疽則屬臟毒氣內蓄之
深勢雖緩而反急若瘡疽之人膿血大泄脉滑數者難
治也凡癰膿多或如消泔脉滑大散寒熱發渴者治之
無功也若患肺瘡者咳嗽膿血脉見洪滑治之難全矣
大凡診脉見浮數應當發熱而反惡寒雖頭項拘急四
肢煩痛或復戰慄渴甚者但有痛處欲發瘡腫也浮數

之脉應發熱其不發熱而反惡寒者瘡疽之謂也脉洪大者瘡疽之病進也如瘡疽結膿未成者宜下之膿潰之後脉見洪大則難治若自利者不可救治也仲景曰脉數不時見則生惡瘡也又曰肺脉俱數則生瘡也診諸瘡洪數者裏欲有膿結也瘡腫膿潰之後而煩痛尚未全退者診其脉洪滑麤散難治也以其正氣虛而邪氣實也瘡腫之病診得芤脉膿潰後易治以其脉病相應也若瘰癧結腫診得牢脉者不可內消也瘡疽之人

得實脉宜急下之以其邪氣與臟腑俱實故也弦洪相搏外緊內熱欲發瘡疽也瘡腫潰後得濇脉無妨也瘡腫脉短真氣短也瘡腫之病脉來細而沉時直者裏虛而欲變證也潰後脉微而勻舉自瘥也凡諸瘡腫潰後其脉濇遲緩者皆易愈以其脉候相應是有胃氣也瘡腫得沉脉邪氣沉瘡腫脉虛宜托裏和氣養血也瘡腫得軟脉補虛排膿托裏大抵瘡家沉遲濡弱皆宜托裏瘡腫脉促亦急下之大凡瘡腫之病脉促結者難治而

況見代脉乎凡瘡疽腫大按之乃痛者膿深也小按之便痛者膿淺也按之不甚痛者未成膿也若按之即復者有膿也不復者無膿也非也必是水也若發腫都軟而不痛者血瘤也發腫日漸增長而不大熱時時牽痛者氣瘤也結微腫久而不消後亦成膿此是寒熱所為也留積經久陰生陽寒化為熱以此潰必多成癰凡癰癰疽以手掩其上大熱者膿成自軟也若其上薄皮剥起者膿淺也其腫不甚熱者膿未成也若患癰癰結核

寒熱發渴經久不消者其人面色痿黃被熱上蒸已成
膿也至於臟腑腸胃內瘡內疽其疾隱而不見目既不
見手不能近可以診其脉而辨之有患胃脘癰者當候
胃脉人迎者胃脉也其脉沉細者氣逆則甚甚則熱聚
胃口而不行胃脘而胃癰也若其脉洪數者膿已成也
診脉遲緊膿雖未成已有瘀血也急宜治之不則邪毒
內攻腐爛腸胃不可救矣肺癰疾萌則可救膿已成則
必死不可不慎也久嗽膿如粳米粥者不治嘔而止者

自愈也。○癰疽發背，俗以腫痕所至為暈，非真暈也。暈於瘡口之傍，如紅筋之狀，纔見暈，則非美證矣。一暈二暈，以至三暈，尚可措手。若四暈五暈，是臟腑蘊受銳毒，斷斷難醫。○凡五子曰：夜半五丑曰鷄鳴，五寅曰平旦，五卯曰日出，五辰曰食時，五巳曰禺中，五午曰日中，五未曰映，五申曰晡時，五酉曰日入，五戌曰黃昏，五亥曰人定。五此日時遇疾病者皆不起也。○夫治癰疽發背，腦發鬚發，髻發頤發，筋發腰發，腿發，或發於四肢，或婦

人如癱不問男女一見有此疾者皆可即使用此法灸之無不安愈其法先令病人以肘凭几豎臂腕要直用篾一條自臂腕中曲處男左女右貼肉量起直至中指尖處截斷為則不量指甲却用竹杠一條令病人脫衣騎定令身正直前後用兩人扛起令脚不着地又令二人扶定勿令僵卧却將前所量臂腕篾從竹杠坐處尾骹骨盡處直向上貼脊背量至篾盡處為則用黑點定此只是取中非灸穴也却用薄篾作則子量病人中指

節相去兩橫紋為則男左女右截為一則就前所點記處兩邊各量一則盡處即是灸穴兩穴各灸五壯或七壯止不可多灸不問癰生何處並用此法灸之無不愈者一云可視發疽發於左則灸右發於右則灸左甚則左右皆灸蓋此二穴心脉所過處凡癰癰皆心火留滯而生灸此則心火流通即是安愈可以起死救危有非常之效屢試屢驗矣素問云諸痛痒瘡皆屬於心又云榮氣不和逆於肉裡乃生癰腫榮者血也心能行血心

滯則血為之不行故逆於肉裡而生癰腫灸此穴使心
火調暢血脈流通愈於服藥多矣

第

一

圖

先從男左女
右臂腕中曲
橫紋起用薄
篋一條量至
中指齊肉盡
處不量指小
為則剪斷

第

男以左手女以右手
先出中指用薄

篋量取中間一節

二

兩橫紋斷為同身

圖

一寸為則子

第

三

圖

先令病人脫去上下衣服以竹
扛一條跨定令兩人徐徐扛起
足要離地五寸兩傍更以兩人
扶定毋令動動不穩却以上第
一圖則子貼定扛從尾閭起貼
脊量至則子盡處以墨點定記
之非灸穴也此是取中穴止處
却以第二圖取灸穴

又法初覺皆有點白粒并赤腫先從背脊骨第二節下
陷中兩旁相去同身寸各一寸五分名肺俞穴此穴宣
泄背上諸陽熱氣兩處可灸七壯止同身寸法取男左
女右中指頭比此近掌橫紋為三寸對折點定從脊骨
點定處橫量兩頭盡處是穴大抵人年四十已上最宜
灸此其背永無癰瘡之苦凡在癰疽初作不論腫赤濶
狹可依後論墨圍津潤一二日覺毒勢盛便以獨頭蒜
切作片薄如錢樣安置毒上以艾炷不論壯數灸之惟

多為妙人皆以謂熱極不可復灸殊不知本寒邪所傷
艾火攻散迺善本皮血化熱盛皮肉之間不能外泄皮
膚頑厚漸逼入內譬如強盜入室迫近於主主力且弱
以兵鬪之不若開門與出乃順所以灼艾火攻特破其
肌則邪毒無所容留而真氣不耗矣則任其潰乃調膿
排痛如錐刀所刺壞肉壞筋而膿從骨間出既傷臟膜
此不復治付之無可奈何雖人老壯亦用施治或處於
僻鄉無藥可贖或居貧之無力可得不問貧富貴賤均

可施治但頭上瘡及項以上見瘡不可就瘡頂上輕意灸之反生大禍但可以騎竹馬取穴法及足三里穴灸之多獲其效○凡蒜餅上灸者本草名葫又名蒜味辛溫有毒主散癰腫不宜多食然假火勢以行藥力或有灸去不用只以艾炷安毒上便灸此法可施治頑疽癰發之類必假火熱攻令速潰大抵用葫善決若有赤腫紫黑或有惡腫葫法施治至妙○灸癰疽發背其灸法正在不痛者灸至痛痛者灸至不痛或有灸而痒者大

抵初灸即痛毒氣方聚漸次相攻作痛無疑皮肉既傷又有灼艾時間或作痒令人抓其旁者又有初灸而不痛者毒氣內陷病人昏倦惡腐不散多壯不痛又云痒者灸至不痒痛者灸至不痛仍服追毒排膿次乃外傳消腫內外兼治又云癰疽不可不痛又不可太痛悶亂不知痛者為難治。○若諸瘡經久不瘥變成癰者宜用硫黃一塊可瘡口大小安之別取少許硫黃於火上燒用釵尖挑起取陷點硫黃令著三五遍取膿水乾瘥為度若其發背初生即宜土

餅灸法灸之初覺背上有瘡痛痒頗異認是發背即取淨土水和捻作餅子徑一寸厚二分貼著瘡上以艾作炷灸之一炷一易餅子其瘡粟米大時可灸七壯其瘡如錢許大日夜不住灸以瘡為度疳癰惡瘡諸醫不驗取蟬蛸剪去兩頭安瘡口上以艾灸之七炷一易不過七枚無不效者又法用乞火婆中灸之同前法累驗之神效人皆秘之往往父子不傳○凡發背皆發出自腸胃流入五臟漸流多脚氣為主或有先服乳石并熱肉麪房室過度皆作此疾縱身不曾服

乳石先代服亦有此病或有下痢人服麪過度亦有患
者請依後方萬不失一發背一覺有腫即須審脊根硬
軟如硬頭一點白繞四邊紫黑氣時掣痛憎寒不食狀
若天行此石癰知是此狀即須當上灸百壯艾炷大如
鼠屎許大凡發背初亦一點白四邊赤色漸漸長大或
盂盞并碗許大四邊生飯漿小小瘡如粟米許大亦時
時抽掣痛此兩狀皆是死病十日內堪醫十日以外不
濟就中冬月得此病即延得三五日其發背初覺即須

當頭灸二十一壯如盃許大即五花灸之各二十一壯
即服牛蒡草子括婁葛粉第三服犀角湯瀉之不然服
犀角丸亦得大效也忌梨鯉魚麪酒肉漿水粥○凡癰
疽發背初生如黍粟粒許或痒或痛覺似有即用湯火
淋射兼貼藥燭之經一兩日不退須當上灸之一二百
壯如菽豆許大凡灸後却似熅痛經一宿乃定即火氣
下徹腫內熱氣被火導之隨火而出也若能於瘡頭四
邊相去各一寸已來更花灸尤妙其瘡若知痒即宜隔

豉餅灸之其豉餅須以椒薑鹽蔥相和爛搗捏作餅厚薄如三錢已來當瘡頭豉餅上灸之若覺大熱即微取起少頃再安只灸七壯而已豉餅若乾更換新者尤佳瘡若痛即湏苦灸仍壯數惟多為妙若是疽即不宜灸夫疽初生形如瘡癰頭白焦枯氣本深沉治者既不精辨即便灸之或癰癰成膿之後即便灸之皆能害人初灸三壯不覺痛者為上肉已炙其下膿深及至數壯之後焮痛必倍為熱氣益盛膿伏內攻之火灼其外轉增

毒甚不可不知也。

○頭維

在額角髮際本神旁一寸

承光

在頭上五處穴後二

寸半神庭

在髮際直鼻上

承泣

在目下七分直瞳子陷中是

絲竹空

在眉後陷中

顴

窻

在胃下一寸六分兩乳中

腦戶

在枕骨上強間後一寸半

風府

在腦後髮際一寸大筋旁穴之

中瘡門

在頂後髮際宛宛中

脊中

在第十一椎節下間

三陽絡

在臂上矢脈溝止一寸

下關

在耳前動脈是也

耳中耳門

禁不灸

人迎

在頸大脈應手脈結喉旁通五臟

石門

在臍下三寸女子禁不灸

伏兕

二穴在臍上六分

地五會

在足小指次指末節後間

去陝豁旁一寸五分

以上據鍼經並禁不可灸或於上出瘡癰亦

不得便灸且以諸方法及湯水注射并用諸藥燭之若

已成膿即須灸烙出之為其內已有膿縱針烙出之即並無妨○大抵膏粱之人既得斯疾於心有怯一毫冷藥斷不肯服殊不知毒氣方盛之時外被敷藥閉其毫孔內服溫藥助其毒氣致冷之氣無路發越內攻臟腑傾人性命急如反掌古人云癰瘡未破毒攻臟腑一毫熱藥斷不可用癰瘡已破臟腑已虧一毫冷藥亦不可用此先後之要訣也○內托散

又名萬金散
又名托裏散

五香連翹

湯沉麝湯甚者追毒丹

又名神仙萬
病解毒丸

及漏蘆湯已上皆

宣熱散毒之藥既灸之後毒氣有路而出服藥之後使毒氣不傷臟腑然後玩味方論或命醫者商確疾證依法調治亦未晚也若有煩熱口燥咽乾大便秘難六脉沉實而滑或洪數有力便可投之以漏蘆湯大黃等藥或追毒丸為宣熱拔毒之計或有瀉證醫者不可便歸咎於藥以為張本之計殊不知患癰疽之人每有泄瀉皆是要候若疑似間但服內托散次五香連翹湯沉麝湯五七之後繼之以國老膏萬金散牛膠飲子忍冬酒

柞木散黃礬丸遠志酒之類皆可選用以為破敵之需
已上諸方不冷不熱不問老幼少壯陰陽虛實冷熱多
服為妙自有奇功○凡癰疽始作皆須以大黃等藥極
轉利之既利之後病人當自知之勿以困苦為念若曰
與其腹背潰爛臟腑焦枯膿血流漓孔穴穿空備諸惡
而死不若利而死況有生道哉古聖賢立法率用五香
連翹漏蘆等湯道路貧苦恐不能及即單煮大黃甘草
作湯以利之須排日不廢直至膿潰漸有生意即服黃

者等藥排膿止痛今外臺備矣世醫不學蔽以妄意不達標本皆曰瘡發於表豈可轉利死者比比良可悲夫○一初覺得背疽之疾便合服內托散又名乳香萬金散後來方免變證口舌無瘡此藥但可服十數止便以騎馬法灸之或用隔蒜法灸之亦可○即合繼服五香連翹湯此藥如大便寬快內熱既退即便住服若一二日之後大便再閉須再服之要取利毒氣至盡然後住服亦須看病人虛實量其輕重而進藥○一癰破後多

服排膿內補散無嘔逆用酒調下有嘔逆木香湯下又
若癰疽破後當終始服餌不可輟○一癰疽初作之時
便要著艾既灸之後便宜用麥飯石膏四圍塗傅以護
其根脚不可使開中心却要留癰口如錢大使毒氣出
如癰漸小隨其大小傅之直候疽破膿潰之後口收只
有徑寸許用神異膏貼傅却住用麥飯石膏○癰疽纔
破有口便合用猪蹄湯洗其初連日洗五日後間日洗
欲安之際三日一洗○一癰疽既破膿血潰多五七日

後方可用神異膏貼若根脚小五日後貼如潤大須七日十日後可貼傳○一癰口將收之際最忌用急澁斂口之藥只宜用神異膏貼多見昧者破此一段不過病者厭於將理醫者急於獲利不思毒氣發泄未盡其疾再來人命自此不救○癰疽將安之際宜多服加味十全湯以補其氣血庶使肌肉易生故也○一前後病疽之人多是先發渴而後背疽作或有背疽安而後發渴疾因此不救者甚多若有渴疾之人宜專服加減八味

丸能使渴疾安疽疾不作若驟得背疽之疾既安之後
不問有無渴證宜常服加減八味丸此藥非時可以度
絕渴疾之將來亦且大能滋益氣血生長肌肉使精神
強健此乃累試之驗忍冬丸亦妙又名鷺鷥藤○一前
方湏是居于州縣及有力之家方得及之若居僻鄉及
無力之人只可用鷺鷥藤酒一名忍冬草此一方終始
服餌候其疽破即以神異膏貼之然神異膏所用藥材
皆非貴細難得之藥前後用此百發百中○一嘔逆有

二證一證謂初發時不曾服內托散熱在心一證有氣虛脾氣不正而嘔當仔細審察病證參酌用藥若是因熱而嘔者外證心煩身熱癰作痛即是伏熱在心合用內托散服三兩服即止不可多服若是氣虛而嘔其證心不煩熱遇早便嘔或聞穢氣而嘔早晨宜服嘉禾散如有寒熱宜服家傳不換金正氣散仍五更初兼服山藥丸以補腎○凡瘡家皆用宣利去其毒根蕩滌陳莖假如神仙追毒丸六味車螯散五香連翹湯千金漏蘆

湯用藥無過此法更當詳辨稟賦強弱臨時加減大抵治
瘡要法須是臟腑堅而不秘通而不泄則真氣不耗邪無所
留如治秘結神功麻仁丸最妙謂如老人腸胃虛精液耗便
秘不利精神昏濁服之必安可以類推凡瘡潰之後尚覺虛
熱可與五香湯內加犀角末黃耆人參之類大便秘赤
可與五香湯加大黃朴硝。大抵癰疽不可舍五香湯假如
治瘡溫藥必有桂以通血脉理疎不足宣導百藥冷藥必用
地黃補五臟內傷不足通血脉益氣力填骨髓長肌肉作湯

除熱萬金散一方用乳香菖蒲粉二味乳香消諸癰腫毒
菖蒲壓熱下氣消腫解乳石服至一兩則香透徹瘡孔中出
二味真良藥也○氣血聞香則行聞臭則逆大抵瘡多因
榮氣不從逆肉理鬱聚為膿稍得香味血行氣通必無凝
滯多服連翹湯萬金散秘傳金粉散凡瘡家本自腥穢又
加臭惡因而相觸反成大患毒氣入胃令人咳逆古人用
香可謂有理且如飲食之中調令香美益其脾土養其
真元可保無虞○凡癰疽之疾初服頭藥失序或不曾

服內托散又無藥宣得內毒致令熱毒衝心經咽喉口
舌生瘡甚至生紅黑菌變證甚速難於醫療合預備琥
珀犀角膏治之向曾有人因疽而生此證醫者以為心
臟絕盡皆設辭退醫進此藥一日而安當先服犀角散
防有此證又熟視詳審俟其潰熟膿透於外其勢盈盈
欲出只用替針丸自瘡頭咬開不半日許其膿自出切
不必用針刀也○腎脉虛甚當用補藥而有牴誤處如
用鹿茸附子之藥是抱薪救火如用平補之藥腎氣猝

難平復若俟河之清向曾有人苦疽疾正生此一證諸醫無策愚云昔嘗聞一名醫講論凡人遇五更初腎氣必開若一語言咳嗽口唾即腎復合遇腎開時進一服平補藥其功效勝尋常服峻補之藥十數服愚以此策獻之遂選用山藥丸所用皆平補腎氣全無僭燥偏重之藥依此法而進詳以告病者與其侍傍之子弟如法而服三日而醫者診脉已平復矣凡疽疾之人腎脉虛弱未可使如古人之論以為不可治者有人痼冷虛弱

危困如其法而用藥可謂用力寡而收功倍矣無比山

藥丸

方見虛勞
羸瘦類

如是病人氣弱不進飲食合服嘉禾散

如贖到見成散子每五兩宜加人參丁香木香沉香白

豆蔻仁各二錢重昨曾有人苦疽疾醫者用藥失序久

而不瘥因致虛弱全不飲食愚欲進嘉禾散而諸醫爭

言內有丁香發熱不可用殊不知治疽之藥丁香預其

一沉有因怒氣而發疽今嘉禾散中所用之藥盡平和

益脾胃降氣者辨論不勝遲遲數日服他藥無效卒後

用之而病人方能進食自此已後遇早晨住服他藥必進嘉禾散一服疾安而後已

方見隔
噎門

○夫膿腫之生於

外者由熱毒之氣蘊結於內也蓋腫于外有生頭者有漫腫者有皮厚者有皮薄者有毒氣深者有毒氣淺者有宜用溫藥貼燭者有宜用涼藥貼燭者有可以乾換其藥者有可以濕換其藥者深淺不同用藥亦異是以不可不辨也若瘡腫初生似有頭者即當貼溫熱藥引出其毒熱火就燥之義也于四畔赤焮處擣生藥貼燭

之折伏其熱勢驅逐其邪惡撲火之義也夫生寒藥勢
氣力精全性味雄健或有療者不本物理皆通用藥草
膏之類有勢力微欲使尪瘠者敵其勇夫不亦難乎又
有粗工不審逆從用寒藥敷貼趁逐邪毒復入於內歸
於肝心十死八九矣大抵敷貼之藥欲消散腫毒血脉
疎通寒熱逆從斷其去就焉湏不可執方無權安能散
於鬱結不成膿乎其腫皮厚者以故軟帛或以花紙塗
藥貼熳之待其藥乾換其皮薄者即用疎紗或薄紙塗

藥貼燭之其藥未乾即當換之若是膿潰之後即貼溫肌生肉膏藥要在逐臭腐排惡汁取死肌生良肉全藉溫熱膏劑之力也切勿用寒涼之藥水調貼之夫脈喜溫而惡寒若著冷氣過理即血滯難瘥矣○濟生方秘論治法云金人大定間有遇異人傳狗寶丸得之者以獻之僞主其後嵇乃事僞朝以外科奉御療將士金瘡有功金主以其本賜焉嵇治瘡凡癰疽疔漏皆以狗寶丸為第一義先投狗寶丸半時次投熱葱粥以助之後

被蓋覆病者使汗出周流則毒勢隨汗而解若汗不出則不可療矣汗罷則瘡之陷者必起散者必聚以烏龍膏傳其腫若腫之外有赤暈者則以解毒散傳之凡傳藥必以自外向裏塗之看正瘡大小凡正瘡之上不許加分毫藥每日隨證服五香連翹湯并十奇散葉豆粉等藥大率以狗寶丸為先以烏龍膏解毒次之而服餌之藥則隨藥氣陰陽虛實而用之空心服加減八味丸以助元氣俟瘡潰以針決去放膿訖然後以乳香膏傳

正瘡之上若尚有未盡膿則于膏藥當中且剪一路以通膿水欲盡以生肌散敷瘡口仍以乳香膏覆之更不須剪破膏藥乳香膏一日一換候瘡口初合即便不換膏藥以烏龍膏之功在于消腫解毒散之功在于收暈暈收即不須用解毒散而烏龍膏直候瘡潰敗膿出盡然後已○癰發背者皮薄腫高多大椒眼數十粒疽發背者皮膚頑硬狀如牛頭之皮二證皆宜灼艾癰成膿則宜針其鍼宜用馬銜鐵為之形如薤葉樣兩面皆利

可以橫直裂開五六分許取去毒血覺便輕須先灸而後裂可服神仙追毒丸利去毒根次服排膿托裏藥調治疽成膿則宜烙可用銀篦大二寸長六寸上燒令赤急手熨烙毒上得膿利為效亦服神仙追毒丸排膿托裏藥調治○凡療癰疽用針灸點烙其功甚大嘗有一婦病癰在背之左高大而熟未破之間有醫者云可烙彼時有一老成人云凡背之上五臟俞穴之所繫膈膜之所近烙之不得其法必致傷人醫答曰但宜淺而不

宜深宜橫入而不宜直入恐傷破膜子宜下而不宜上
恐貯膿血得此訣儘無妨也于是燒鐵火筋烙之肉破
膿出如湍水自此而愈當時直是恐人非創子手者不
能為之烙後真有神效若不能識生熟淺深上下橫直
之要妙不若不烙之為愈○陳日華云世人于瘡癰始
發輒用針灸十死八九蓋毒方殷以火助之宜其危也
聞烙之功却大方其已熟未潰之時用鐵一烙極是快
事方扇火欲着時誠是恐人予久聞此深知其功于臨

時猶且顫悸況於未曾經得効之人乎烙後膿水流通者百無所忌名曰熟瘡只忌鷄肉恐瘡突開穴口宜向下要膿水流通仰則倒貯然須是熟于用烙者識淺深知穴道審生熟非其時則所出者皆是生血當其時則出黃膿瘀肉予見人烙瘡者甚多用尖針烙者不得法用平圖頭者甚妙蓋要孔血通透尖針頭細其名易合徒爾嚇人針出復合未必為功惟用平圖如鎖衡緯鋌之類乃妙即烙得通不得治者使用法傳之不能保養

瘡口必合口合則不能必其效用牛膝根之法亦為妙也治癰癤不問老幼少壯初發癰腫興作使用灸針亦是開門放出毒氣之一端也療癰疽諸般瘡癤欲愈必痒及療腎臟濕痒妙方鹽之功甚傳予一日脾上生一癰以火烙之作效數日瘡口欲合四邊痒甚不可忍令人以絹帛蘸湯熨洗甚快快定復痒再熨再痒三熨覺倦醫者云凡洗熨最損人氣血每見病疽之後被痒洗熨隨至眩絕是時予痒併作醫者取鹽一撮于瘡上揉

擦便覺瘡內外清涼少定作一般美快更不復痒嗣後偶灸瘡臨可作金櫻子痒甚取鹽擦之其效如初痒甚則重擦隨其輕重不覺損人鹽入瘡口亦無妨害嗣後身體或有痒處亦以鹽擦隨即除去且復佳甚世人多有于瘡癰初發時用油鹽以亟擦之令熱遂結聚不成亦此意也癰初發時取五更未語之唾以手替抹亦是
一法腎藏濕痒無法可治亦用鹽擦得效此親試也○
夫癰疽者頭少腫處多出膿不快者宜針烙膿未盛以

前不可不以諸藥貼燭救療以安病者之心膿成即當棄藥從針烙也既至膿成即當決意不可疑懼痛頃刻之間以至內潰古今同弊斯疾十有八九深識之士當斷去就夫患癰疽已成結腫須有出處藥之無不針針無不瘡未有不針不刺而瘡者針刺及時而不瘡者夫痛之極也衆熱聚攻膏膜為之腐爛肌肉為之敗潰內通貫臟腑若不針烙決潰熱毒無從而出膿瘀無從而洩或過時不針即反攻于內內既消敗欲望其生豈可

得乎則針烙取瘡實為良法疑而不決為必死之患或
隱諱此藥或懼痛不針此神奪其識死期將至癰則皮
薄宜針疽則皮厚宜烙古法無烙惟有針刺烙即火也
亦謂之燔針劫刺以其有劫病之功也今用烙法多瘡
殊穩妙于鉄針法本用鉄烙法當用火針如似火筋磨
頭令尖如棗核圍滑用燈焰燒須臾火作照數蘸油燒
令赤皆須近下面烙之一烙不透即再烙之令透若其
攻稍廣即須散烙數處並令透則氣疎達膿水易出不

假按仰實者撚髮為紐虛者以紙為紐塗引膿膏藥紐之兼以膏藥貼之常令開潤勿令急燥若其人羸瘠勿頻出膿徐徐令出癰疽廣大膿多者懼一時之痛不肯四畔多不針烙唯開兩三處而已欲望早愈不亦難乎常見有開腫者不審淺深所烙或當時無膿經宿方潰或下針不出別處生頭或抑捺煖動益加損痛真氣轉傷經云病淺針深則氣血伏沉病深針淺則毒氣不洩反為大癰也如務求速瘥腫內餘膿及膿未盡便令瘡

合後必再發諸發腫都輒而不痛者即便宜針烙若發於背者即須用水角乃得痊愈。凡癰癰疽發背腫高堅硬膿稠焮盛色赤者用水角陷下肉色不變輒慢稀者不用水角角法于寬靜室中不當風處平實地掘一小坑口稍濶于瘡腫深一尺以下去此坑二尺外又為一坑子口闊三四寸傍穿兩坑令相同灌水並令去坑面二寸于地上要背下先鋪油單三兩重辟地氣即以席薦東西鋪坑口兩畔令患者以瘡合坑上無令偏側

腰間布氈褥務令安穩則得久角角口兩畔以繒帛遮擁兼蓋覆水坑口勿令通泄熱被水引下滲地中卧一炊久為度于滯膿血並洩角中熱盛者日夜三四遍腫氣不侵每日或兩度亦得候其毒解熱退水角中間以痛醫昧於深理就施針艾尤不能精用水角則太早以火攻則稍遲何者疽之萌生而用水角則內熱毒畏冷逼之却入腠理皮肉堅厚毒氣內堅肉變為膿以致內潰深可哀也疽之已成而乃火攻則火毒相擊令人煩

悶加其虛憊可不慎乎或富貴之人遭遇此疾多貯水銀以為水角尤妙用水銀法揀穩實地穿一坑口稍闊於瘡腫處深可四五寸先於坑中布紙五六重襯水銀諸餘鋪設一依前方其水銀多至一升已來如無只三五合亦得○今之名外科者多是膠柱不善變通立性麤率惟以針刀為快始用毒藥塗擦其外內施冷藥以虛其胃外以塗藥閉塞毛竅致使毒氣無從所出內外交攻血氣溷亂則正氣愈虧邪氣滋盛其瘡腫聳根脚

散濶而患者疼痛昏迷恣其所措毒勢爛漫却云痛者
易療操心剛很輕視人命以規微利却以軟言慰諭病
者殊不興念人之痛楚頃刻難堪反以毒藥痲癡好肉
務施刀剪云去蠹肉如此為醫與屠創何異哉言至於
此惻然寒心故善惡之證全在醫之工拙所致○患者
忌作勞呌怒嗜欲飲食如乾濕麪炙燂煎炒醃物法酒
生冷油膩牛羊鷄鵝魚並不可食性熱者發熱冷者損
脾胃毒者發病皆當戒之病者之房深戒有腋氣之人

并有孕婦人月經現行婦人孝子僧道母令入房房內
常令洒掃潔淨焚好香氣方使血氣流暢易得安愈合
藥之時亦忌此等見之又忌見鷄犬猫畜

諸癰疽

附論

夫癰疽瘡腫之作者皆五臟六腑蓄而不流則皆有矣
非獨因榮衛壅塞而發者也其行也有處其主也有歸
假令發於喉舌者心之毒發于皮膚者肺之毒發于肌
肉者脾之毒發于骨髓者腎之毒發于下者陰中之毒

發于上者陽中之毒發于外者六腑之毒發于內者五臟之毒故內曰壞外曰潰上曰從下曰逆發于上者得之速發于下者得之緩感于六腑則易治感于五臟則難療也又近骨者多冷近膚者多熱近骨者久不愈則傳氣成漏成蟲則多痒少痛或先痒後痛生漏則多痛少痒或不疼不痒內虛外實者多痛少痒血不止則多死膿疾潰則多生

方

藤黃飲子 治一切癰疽瘡腫

金銀花 黃耆 防風 川烏 羌活 大黃

赤芍藥 薄荷 連翹 麻黃 當歸 石膏

黃芩 桔梗 白朮 白茯苓 荆芥 甘草

各三錢 山梔子 半兩 人參 七錢半 滑石 六錢 芒硝 一錢

右為麤末每服半兩水二盞生薑三片或白水煎服

大內塞排膿散 治發背癰疽經年瘡後復發此因風

火或結氣內經脉閉塞至夏月以來出攻於背久不

治腫聚作膿血為瘡內漏

山茱萸 五味子

茯苓

乾姜

各六錢

甘草

石

斛 人參 桂心 芍藥 巴戟天 麥門冬

乾地黄

茯苓

遠志

各八兩

當歸

石常

芍藥

各四兩

附子

二分 地膽

兔絲子

三分

右末酒服方寸匕日三夜一外臺秘要有瞿麥一云

地麥膚子無地膽稍加之常服終身不患癰瘡

乾地黄丸 凡壯熱人能常服之終身不患癰疽令人

肥悅

乾地黄

五兩

芍藥

甘草

桂心

黃耆

黃芩

巴戟天

括萎根

遠志

各二兩

石斛

當歸

大

黃

各三兩

人參

一兩

天門冬

菝葜

各四兩

右為末蜜丸如桐子大酒服十丸日三加至二十九

李根皮散

治癰疽發背及小小瘰癧曾有人患骨從

瘡中出兼有三十餘癰癰服此散瘥

李根皮

一升

括萎根

半夏

各五兩

通草

白欬

桔

梗 厚朴 黃芩 附子各一兩 甘草 當歸各二兩

葛根三兩 桂心 芍藥各四兩 芎藭六兩

右治下篩酒服方寸匕日三瘡大困者夜再服之

狗寶丸 一名寸金丸二名返魂丹三名再生丸四名

追命丹五名延壽丸六名來甦丸七名知命丸八名

得道丸若有患瘡身未爛者與三丸服之嚥下便活

如口噤幹開牙闕研下三丸灌之下咽喉中立生此

方善治發背腦疽癰疽癰腫偏身附骨腫痛先覺時

飲入口中煩渴發熱發寒四肢沉重身體壯熱癰瘰
疔瘡普皆治之

蟾酥

錢二

狗寶

兩一

金頭蜈蚣

七箇頭尾全用

羊酥

炙黃色

膩粉

雄

黃

沒藥

南乳香

錢各一

狗膽

不乾者用之

麝香

一分

粉

霜

黃蠟

錢各三

烏金石

錢一

硃砂

兩半

頭首兒

孩兒乳

合黑金膽

一箇乾者用之

右同為末除黃蠟乳汁二味熬成膏子同為丸如菜
豆大小兒如芥子大小每服一九病重者加至三九

用白丁香七箇研爛調新汲水送用衣服蓋出汗為度大段疼痛無頭瘡腫不過三服立效已後只喫白粥常服十宣散留頭與四邊以後烏龍膏貼之一方有鉛白霜

排膿內塞散 治大瘡熱退膿血不止瘡中肉虛疼痛楊氏家藏云名內補散治癰疽瘡癤未成者服之即散已結就者服之速潰敗膿自出惡肉自去疼痛頓減飲食如常不生嘔吐諸般惡疾

一名內補
防風散

防風 茯苓 白芷 桔梗 遠志 甘草 人

參 芎藭 當歸 黃耆 各一兩 厚朴 二兩 桂心 二分 附

子 二枚 赤小豆 五合 酒浸熬

右治下篩酒服方寸匕日三夜一溫酒米湯調下一方每服三錢不拘時候氣實并少壯人去附子一方無茯苓附子赤小豆遠志名十全內補散所用藥惟人參當歸黃耆加二兩外餘各一兩為末溫酒調下日夜各數服以為妙服至瘡口合更服為佳所以補

前損杜後患也不飲酒人濃煎木香湯下然不若酒熱之勝也已後只喫白粥常服十宣散留頭與四邊以搗烏龍膏貼之一方有鉛白霜

木香搗腫湯 治諸瘡疽如發腫焮增長熱痛

木香 犀角 大黃 梔子仁 升麻 黃芩

黃連 射干 黃蘗 白欬 甘草炙 朴硝 紫

檀 羚羊角

各一兩

右咬咀入生地黃汁五合如無用生乾地黃五兩剉

碎和勻每用藥五兩水一斗煎至七升入麝香五錢
淨帛蘸藥熱搗腫上日兩三度冷再換

荊芥散 治一切癰疽不問發肩背作響疼痛並宜服
此疾便消散其效如神

荊芥 薄荷 山蜈蚣 老翁髮 天花粉 茹

萸 茹片 敗荷心 川白芷 赤芍藥 猪牙

皂角 切炒以上各等分 淮烏 大者一個煨 紅內消 倍其數 甘草 十

五文入一文
喜甜加用

右為末每服二錢薄荷茶清調下欲快利用酒調效
若服經日未見效恐是涼藥溢血可加當歸羌活如
熱重雄黃酒調乳癰加萱草根研汁調其餘候只用
酒下不則麥門冬去心煎湯亦可但較緩耳

敷藥 諸般疽發腫赤痛不可忍未成覺散已成覺破
用至瘡口合而止

荊芥

和根
剉碎

赤芍藥

大栢皮

土當歸

山大黃

白芨

赤斂

白斂

寒水石

煨或
炒

草烏

各等
分

土白芷 天南星 赤小豆 商陸根

即中櫟根
剉片子

右為末生地黄自然汁調角四畔或苦蘆根汁腫用
商陸根研汁未潰則滿體塗上或有尖起處則留出
瘡口

萬金膏 治癰疽發背互發癰瘰陰毒痛不能忍並治
或有腫毒侵內沉伏者吸毒於外

川烏 草烏 白芷 黃栢皮 藁本 荊芥
蟬退 肉桂 白蠶 赤小豆 乳香 沒藥

蠶沙 天花粉

右等分為末薄荷汁和蜜調塗患處以紙掩住或姜汁地黃汁調搽皆可如乾用地黃汁薄荷汁皆可刷濕

木通散 凡內消先用此藥退潮止渴解熱以升麻葛根湯表散後服此藥

木通 瞿麥 荊芥 薄荷 白芷 天花粉
甘草 赤芍藥 麥門冬去心 生乾地黃 山梔子

車前子 連翹 各等分

右剉散每服二錢燈心地黃煎熱潮加淡竹葉煎溫服上膈食後下膈空心老人氣虛者宜加當歸羌活李嗣立五香連翹湯治一切積熱惡核瘰癧癰疽惡

瘡發背

乳香 甘草 木香 沉香 各七錢半 連翹 去蒂 射干 即

蓄根云 升麻 黃芪 生去皮蘆 木通 去節 桑寄生 人治此疾如無

當門子 真者可倍用 獨活 已上各七錢半今鋪中只是前胡或上當歸不可用只用羌活

妙

丁香

去枝梗不
見火半兩

麝香

一錢半
另研

右為粗末每服三錢水一盞煎至七分去滓溫服銀
器煎尤妙如無銀銚用磁器入銀一片或釵釵之類
同煎其中無大黃多服無妨大便秘者加大黃七錢
半外科精要云服此二日後與漏蘆湯相間服之一
方有大黃無黃耆一方加藿香本方原有竹瀝芒硝
恐泥者不能斟酌故缺知者自加又一方無丁香

五香連翹湯

治疽作二日後宜以此藥之去五臟毒

氣神效

桑白皮

無好者寧缺之

木香

連翹

沉香

黃耆

升

麻

木通

各七錢半

麝香

獨活

各七錢半

丁香

乳香

另研

大黃

剉炒甘草

各半兩

右咬咀每服四錢水一大盞煎至八分去滓溫服

乾地黃丸

治虛熱消瘡癰

乾地黃

四兩

大黃

六分

芍藥

王不留行

茯苓

甘

草

遠志

麥門冬

人參

升麻

黃芩

各三兩

桂心

六兩

右為末蜜和丸如桐子大酒服十丸日三加至二十丸一方枳實三兩一方無甘草遠志麥門冬人參升

麻黃芩

神祕陷脉散

黃耆

人參

并去蘆

川當歸

酒洗去蘆

川芎

赤芍藥

粉草

地骨皮

五加皮

忍冬葉

橘紅

各一兩

乳香

沒藥

並另研各半分

右為粗末每服三錢水一盞酒半盞煎至一盞去滓不拘時溫服

排膿內補散 治發背瘡潰後因飲食有傷調攝不到

發熱不住用以退熱

一名梔子黃芩湯

漏蘆 連翹 山梔仁 黃芩 去心 防風 石膏 無如

用桑白皮 甘草 生犀角屑 人參 去蘆 苦參 去蘆 白茯苓

去皮各 黃耆 一兩 二錢半 去蘆

右為粗末每服四錢水一中盞煎至六分去滓溫服

竹葉黃耆湯 治癰疽發背煩渴及一切惡瘡

淡竹葉

二兩

生地黃

八兩

黃耆

當歸

川芎

甘草

黃芩

去心

芍藥

人參

麥門冬

去心

半夏

湯洗

石膏

各三

兩

右為粗末每服五錢水一盞半竹葉五片生姜五片煎至一盞去滓溫服外臺秘要有大棗三十枚擘

五香連翹湯 如有不用五香曰七味連翹湯

沉香

藿香葉

木香

各一兩

麝香

一字

另研

丁香

一兩射

干獨活 寄生草 升麻 各一兩 甘草 炙一兩 大黃

一兩半 連翹 一兩

右七味㕮咀和前五味勻每服五錢水一鍾半煎至一鍾去滓溫服取利為效未利再服食前方內五香為粗末另研

普濟方卷二百八十二

欽定四庫全書

普濟方卷二百八十三 明 周王朱橚 撰

癰疽門

諸癰疽

黃芩散 治癰疽發背丹痧赤腫惡肉時行熱毒變作
赤色及眼赤腫生障翳病方

黃芩 白芨 麻黃

去節

漏蘆

真者

白薇

枳殼

麩炒去穢

升麻 白芍藥 川當歸 川牛膝 甘草

已上各二

兩
大黃 五兩

右為粗末每服四錢水一中盞半煎至七分空心熱服或利一二行如未利再服可加芒硝三錢未成者散已成者立潰一云癰癤發背等疾服此獲安之後宜常服四物湯交和黃耆建中湯空心煎服以禦未來恐後再作

青露散 治背疽一切惡瘡圍藥不散開

白芨 白歛 白薇 白芷 白鮮皮 朴硝

青黛 黃栢 大黃 天花粉 青露散

即芙蓉葉老

龍皮

即老松樹皮

右各等分為細末用生薑自然汁調圓數如乾時再用姜汁潤一方無黃栢

吸筒 以慈竹為之削去青

五倍

多用白礬少用些子

右和筒煮了收起用時再於沸湯煮令熟以筋夾筒乘熱安於患處

治癰疽發背腎癰

山藥

一尺六寸

右以木鱉細切搗成泥後將山藥先去泥與之同搗成泥傳於患處四圍中間留瘡口

大黃蝕肉膏

大黃

附子

炮裂去皮臍

莽草

芎藭

雄黃

研

雌黃

珍珠

研

白歛

白礬

研

黃芩

去黑尖

蘭茹

各一兩

猪

脂

二斤

右除研者并猪脂外剉碎先熬脂令沸下諸藥煎候
赤色綿濾過去滓下研者藥攪勻傾出瓷器盛每日
塗瘡日三五次以惡肉盡為度

當歸散 治癰疽發背金瘡已壞及未敗火瘡諸瘍疥
患

當歸 附子炮 細辛 芎藭 續斷 牛膝 通

草 甘草炙 白芷各二兩 蜀椒三合 芍藥 黃耆各一兩

右咬咀以猪膏二升煎微火上以白芷色黃藥成絞

去滓以傳瘡上日三過忌海藻菰菜豬肉

乳香黃耆散 治一切惡瘡癰疽發背疔瘡疼痛不可

忍者或瘡氣入腹神昏不醒嘔吐者或未成者速散之已成者潰敗膿不出刀削其惡肉下打撲傷損筋骨疼痛或婦人產後腹痛惡物不下

黃耆

當歸

去蘆

川芎

陳皮

麻黃

去節

甘草

芍藥

各一兩

人參

五錢

米殼

二兩去根
蒂蜜炒

乳香

沒藥

各五錢

錢另
研

右為末每服三錢水一中盞煎至七分去渣溫服如
瘡在上食後如瘡在下食前服

內補散

一名木
占斯散

治癰疽發背婦人乳癰諸瘡未潰者

便消不消者令速潰疾愈

木占斯

人參

乾姜

一作云乾地黃
一作大黃

細辛

桂心

厚朴

敗醬

防風

枯薑根

桔梗

甘草

各一
兩

右治下篩酒服方寸七藥入咽覺流入瘡中若癰疽

灸之不能發壞者可服之未壞者去敗醬已發膿者
內敗醬服藥日七八服夜二三服病在下當膿血出
此為腸癰諸病在裏惟服此藥即覺其力痛者即不
痛常服治諸瘡及疽痔瘡已潰愈婦人乳癰宜速服
之一方無桂心一名木占斯散主癰腫堅結若已壞
者速愈未壞者使不成癰便消一方粥飲調下亦可
猬皮散 治癰疽膿血內漏諸漏壞敗男發背女乳房
及五痔方

猬皮 蜂房 各一具 地榆 附子 桂心 當歸

續斷

各五分

乾薑

蜀椒

藁本

各四分

厚朴

六分

右治下篩空腹以酒服方寸七日三取瘥加斑猫七枚益良外臺秘要有杜仲無乾薑

椒薑散 治癰疽發背

蜀椒 乾薑 黃芩 人參 各二錢 桂心 小豈 合一

半 白斂 甘草 附子 防風 各一兩 芎藭 二兩

右治下篩酒服方寸七日三夜二

祕傳連翹湯

連翹 升麻 朴硝 各一兩 另研 玄參 芍藥 白欬

防已

射干

各八分

大黃

一兩 三錢

甘草

炙半兩

杏仁

十八

枚去皮尖 麋炒黃另研

右除杏仁朴硝外為粗末却入杏仁朴硝末令勻每服三錢水一鍾二分煎至八分去滓空心服利下惡物為效

神功妙貼散 塗傳癰疽暈內使膿血化水收暈斂毒

南星元白 蓖麻子各四錢 半夏生 白芷確一 沒藥

姜黃 五倍子淡紅 貝母 白芨各三錢 乳香各二

錢
花藍石散二貼

右細末夾和井水入蜜調傅瘡色黯晦姜汁調傅從
暈邊收入裏留中間如錢大貼膏藥若瘡開大可用
紗攤藥以舊茶籠內白竹葉尾剪兩片如瘡勢先貼
藥上然後貼瘡久年蓬仰上竹葉亦得竹葉出水藉
藥以行之凡傅藥須是細末則不痛

紅內消散 癰疽內蘊熱外發熱用此

紅何首烏

半兩

遠志

水浸取肉
蘸姜汁片

赤茯苓

川芎

北

梗

苦參

赤小豆

赤芍藥

蔓荊子

葳靈

仙

各三錢

甘草

生半兩

右末每服二錢麥門冬十四粒煎湯調下

洗瘡方

莽草

苦參

貝母

射干

木通

蜂房

大

腹皮

桑白皮

漢椒

白芷

各等分

連根葱白

多用

右煎湯密室中淋洗

五香連翹湯 治惡核癰疽惡瘡惡腫等已破未破疼
痛皆可治之

青木香

母丁香

一作鷄舌香

黃熟沉香

當門麝香

乳香

川升麻

桑寄生

川獨活

木通

牛舌大黃

蒸一方用兩半

連翹

各一兩

右剉散每四錢水二盞煮一盞須用銀鉋煎如無用
銀一片空心熱服半日以上未利再服以利下惡物

為度未生肉前服不妨以宣去毒熱之氣。一方有射干一味本方有竹瀝芒硝恐泥者不能斟酌故缺之知者自當量入一方有黃耆藿香無獨活射干名五香大黃湯。○凡惡瘡一寸以下者曰癰以上曰癰而瘡瘍亦非小疾有腫而冷者有腫而熱者有不腫而冷者有不腫而熱者有肉色不變而腫者有腫而不破者有破而無膿血者有破而不生肌肉者有膿在膏膜之下若有膿在骨間者皆當與五香連翹湯

始發者即消膿成者自破可保全濟也肘後方有紫
葛甘草無通草治惡肉惡脉惡核風結腫氣痛要籍
喻義有黃耆甘草芒硝各六分翼云未瘡中間常服
佳與小兒篇方相重小有異處

加味十寄散 治癰發已成未成服內消三五日不效
或年四十已上氣血衰弱成者速潰未成者速散服
至瘡口合而止能固濟去舊生新是名固壘

當歸

酒浸

桂心

不見火

人參

土芎

香白芷

防風

去
蘆桔梗

厚朴

去粗皮
姜汁炒

甘草

五

乳香

另

沒藥

另

右前八味各等分同為末每服二盞酒調日三服病

愈而止不飲者麥門冬去心煎湯或木香湯

奪命更生散

乾葛

知母

貝母

荊芥

各五錢

防風

細辛

獨蓮

白芷

各半兩

青木香

澤蘭

甘草節

各半兩

右咬咀每服五錢酒水各一盞薑五片煎至一盞溫

服潮熱皮膚受毒加大黃樗爛柴胡地龍地骨皮麻

黃

不去節

嘔吐惡心脾胃受毒加母丁香瘡凹不起加

蜜水調蟬退發汗加黃芩山梔子燈心眼花心經受
毒先另服朱砂雄黃麝香為末薑酒下然後服前藥
喘嗽肺經受毒加木瓜黑牽牛麝鹽小腹脹大小便
閉結脾經受毒加苦葶藶枳殼木通通草麝香瘡冷
加當歸肉桂羅參木香用前藥除獨蓮如瘡發痛及
身上有熱再進一服仍服前藥如當日瘡痛身熱次
早又冷加附子一隻去防風如眼大黃色暈黑汗冷

汗粘手足冷至膝瘡硬不起者不治

六化丹 庶幾神化其藥而俗子所珍以其能化風化熱化毒化結化積化膿為水故曰六化丹即痒丸丸之易名也

犀角

生者一兩

黃芩

一兩

大黃

一兩

巴豆

半兩

去油

白斂

一兩

升麻

一兩當歸

一兩

梔子仁

一兩

去皮

防風草

一兩

甘草

一兩

炙

天南

星

黃耆

一兩

半

右為細末以順流新汲早潮水丸如梧桐子大每服

五丸不拘時候隨證量大小用之

內托散 治一切癰疽毒腫發背發肩發髀發鬢發腦

發手發足附骨等疽應是瘡瘍毒腫未膿者即消散
已膿者即破潰已潰者即收斂消毒順氣托裏定痛
收瘡口散腫毒及腸胃癰皆可用化毒排膿內補

黃耆 當歸 川芎 白茯苓 芍藥 白芷

甘草 人參 厚朴

去粗皮用
生薑汁製

桂心

去皮已上
各等分

右一十味為細末每服三錢至五錢不計時候溫酒

調下如不飲酒以木香湯調下

九珍散 治一切癰瘡癰腫毒因氣壅血熱而生者

當歸 川芎 白芷 赤芍藥 生地黃 熟地

黃 瓜蒌 甘草 大黃 茯苓

各等分

右㕮咀每服四錢以水二盞酒一盞煎至二盞去滓

溫服兼治婦人乳癰等瘡

芎歸托裏散 托裏排膿生肌

川芎 當歸 白芍藥 炒 木香 白芷 茯苓 各半

兩
人參 辣桂 丁香 甘草

右末每二錢食前米湯調下

沉水膏 癰疽發背排膿斂毒

天南星三分 白芨 白芷 赤小豆 半夏生 貝母

各半
兩 木鱉子仁去油 乳香 沒藥各二錢半 雄黃一錢

右細末井水入蜜調傅紗貼

爐峯散 治癰疽腫毒

爐甘石煅者十分細一兩 天南星 半夏生各半兩 五倍子

赤小豆 片姜黃 直僵蠶 貝母 白芨

各四錢

乳香

二錢半

右細末未破者酸醋調傳已潰者清蜜調傳半乾濕只摻若紅腫多汁生地黃研汁調傳仍前苦參桑白皮湯淋

五香散 治癰疽須要香氣透達經絡

木香 丁香 藿香葉

各一分

沉香 乳香 連翹

木通 續斷 桑寄生 甘草

微炙各半分

右細剉每服三錢井水一碗煎至七分入麝香少許
患在上食後服患在下食前服五發證皆令人頭痛
惡心寒熱氣急拘攣此藥療之如有熱加燈心桑白
皮

千金漏蘆湯 治癰疽發背丹痧惡肉時行熱毒發作
赤腫及眼赤痛生障翳等疾并癰瘰初發吹妳腫痛
一切無名惡瘡雖覺所苦細微不可輕慢急服此藥
並皆內消更不成膿若發背癰已成膿者當排日服

之直至膿盡

大黃

蒸三兩

漏蘆

白芨

黃芩

麻黃

去節

枳殼

炒

升麻

白欬

一方用白薇

芍藥

甘草

炙各二兩

右剉散每四錢水二盞煎七分空心熱服以快利為度澹寮方云漏蘆湯後說本方有芒硝今去之若見熱而實者加大黃作五兩或加芒硝服病人更自量虛損服之

化毒方

一名十全內托散一名十寄散

治一切癰疽瘡癤未成者速

敗已成者速潰敗膿自出無假手擠惡肉自去不犯
針刀服藥後疼痛頓減此其當用有效也此方得自
於都下異人時有苦背瘍者七十餘日諸藥試遍不
獲痊效衆醫環立如堵出是方示之相目而笑曰是
豈癰背所用藥耶因謂之曰古人用方自有意義觀
其所用藥性平和縱未能已疾必不能壞病服之何
害迺治斯方藥與之以熱酒一升許下藥五六錢少
頃減七分數服後瘡大潰膿血流迸若有物自內托

出服半月瘡口遂合若未嘗有所苦者又有苦腸疾者其痛異常醫者畧曉時意謂此藥大能止痛試與餌之當日下膿三二椀許痛亦遂止思察之乃腸癰也又一老人忽胷間發腫根脚甚大毒氣上攻如一瓢然斜插項右不能轉動遂以此藥與服明日腫毒既散餘一小瘤如粟米大又明日帖然如故無事又一人發腦疽疑此藥不能救遂殞於庸醫手次年其子復苦此疾與父無異病狀一同因懲父之失縱飲酒

服此藥而至不覺大醉竟日衮卧地上及至酒醒病已去矣又一婦人發乳焮腫疼痛日夜叫聲不絕哀苦之音皆不忍聞自謂無復生理又有一婦人股間發腫大如栝椀服此藥皆脫然如失物是藥濟苦者不可計數姑摭一二以示大畧大抵癰疽之作無定非氣血凝滯風毒壅結或飲酒食熱物過多房室虛甚榮衛不調所致治之不早則外壞肌肉內攻臟腑去生遠矣詳味此方其所用藥皆發散風毒調理氣

血排膿止痛生肌長肉等藥五毒不成而坐收瘍醫
十全之功其可尚也一方排膿內補十宣散治癰疽
瘡癤未成者速敗已成者速潰凡瘡痒者多是心血
虛弱此大能消風生血

人參

用新羅者團結重實滋潤者先洗淨去蘆薄切焙乾

當歸

取川中來者肥大擇如馬

片狀滋潤甜辣香芬者溫水洗薄切焙乾

黃耆

用綿者為勝狀如箭幹者長一二尺不開叉者

洗淨寸截撻碎擘如絲狀以鹽湯浸透微火炙酥再剉入衆藥中

芎藭

川中者為上今多止

是撫芎不用淨洗切焙乾

防風

擇新香者淨洗切焙

厚朴

宜用新州來者厚而紫摺之仲

出者佳去粗皮切

桔梗

以有心味苦者為真無心味甘者薺蒞也切勿誤用

洗淨去頭薄切

甘草生

右八味選藥材精者皆取淨曬焙極燥方秤人參當歸黃耆各二兩餘各一兩除參為細末後入諸藥勻每服自三錢加至五六錢熱酒調下日夜各數服以多為妙服至瘡口合更服為佳所以補前損止後患也不飲酒人濃煎木香湯下然不若酒之勝也或飲酒多能勉強間用調并木香湯解功效當不減於

酒也。括蒼胡權識疽發背三尺童子亦知為膏肓之疾庸醫既手無措或者又為高論以自神其術世傳刻涓子方以為得之神仙家而湯劑不一用者惑之歟。承胡君所藏方簡要而有大功郡酒官蕭世京病此數日創大已如椀用其方而愈覽者勿以無奇藥而忽之也。如妳癰腸癰及其它腫毒皆常治愈。○一方作散姜五片煎。一方加白芍藥瓜蒌金銀花等分或乳香服之得汗解。一方加木香檳榔製

枳殼紫蘇天台烏藥名流氣飲甚效陳氏云服在內
消等方之後膿盡乃止

拔毒黃耆散

黃耆

大黃

酒浸
煨

羌活

去
蘆

甘草

炙

當歸

去
蘆

芍藥

白附子

炮

黃芩

杏仁

去
尖

連翹

已上各
等分

右搗羅為末每服先以黑豆半兩或二合水一大碗
煎至七分去黑豆入藥末再煎至一盞食後一日兩
服候逐出惡物即止其貼瘡歛瘡藥隨宜用之一方

無黃耆

犀角散

生犀角屑

玄參

去蘆

升麻

生黃耆

去蘆切

赤芍藥

麥門冬

去心

生粉草

當歸

酒浸去蘆焙各一兩

大黃

微炒二兩

右為粗末每服三錢水一盞半煎至七分去滓溫服

無時候

救苦黃耆散

治諸癰癤惡瘡

黃耆

甘草

當歸

瓜蒌根

芍藥

各一兩五錢

懸

萋對一熟地黄

不以多少

金銀花

兩二

皂角棘針

為引

右咬咀每服五錢無灰好酒一升同引子裝於磁瓦
內將瓶用箬葉封坐於鍋內以大盆覆鍋口盆外用
黃土封之母令出氣煮之外聞藥香為度取出瓶沉
定飲清將藥滓再添酒一升依前煮服不飲酒者以
水煮服若酒少者酒水各半煮服瘡在上食後臨卧
瘡在下空心服之

萬病解毒丸

治癰疽發背魚臍毒瘡藥草毒挑生毒

蛇毒獸毒蠱毒廢蟲諸惡病

文蛤

即五倍子一兩半

山茨菇

即金花燈根一兩洗焙

全蝎

五枚紅牙

大戟

洗焙七錢半

大山豆根

續隨子

取仁去細留性各半兩

麝

香

一錢朱砂

雄黃

各二錢

右件先以前五味入木臼搗羅為細末吹研後四味

夾和糯米糊丸分作三十五丸端午七夕重陽臘日

淨室修合每服一九生薑蜜水磨下井水浸研傳患

處解毒收瘡救病神妙朱砂雄黃乃瘍醫五毒攻瘍

中物也一方無山豆根

九珍散 治一切癰疽癰腫毒因氣壅血熱而生者

當歸 川芎 白芷 赤芍藥 生乾地黃 苾

萋 甘草 大黃 北黃芩

各等分

右咬咀每四錢水二盞酒一盞煎至二盞去滓微熱服未成膿即內消已成膿則速潰亦治婦人乳癰

瞿麥散 主排膿止痛利小便

瞿麥 芍藥 當歸 麥門冬 桂心 芎

去心各二兩

薊 白欬 赤小豆 半合 黃耆 一兩

右為散先食溫酒服方寸七日三翼深師同忌生葱

陳臭肉食等物

大黃薄貼方 療癰疽發背

大黃 黃芩 寒水石 石膏 赤石脂 黃連

各三兩 白芷 各二兩 黃蘗 各二兩 白欬 五兩

右藥下篩以三合投粉漉三升中和薄塗貼腫上燥
易腫下止不下厚傅忌生冷熱麪大酢一方用漿水

調塗

小丹搗方

治癰疽始發浸淫進長

升麻

黃連

大黃

芎藭

各二錢

黃芩

芒硝

各三

兩

當歸

甘草

炙

羚羊角

各一兩

右杖攪令成膏適令熱貼帛搗腫上數度便隨手消

散

瞿麥散

治癰疽未潰瘡中疼痛膿血不絕

瞿麥

白芷

黃耆

當歸

細辛

芍藥

芎

窮 薏苡仁

赤小豆

末各一兩

右先以清酒一升漬小豆出銅器中熬之乾復漬漬復熬五遍上然後搗諸藥下篩酒服一方寸日三夜二服三五日後痛者痒肌肉生一法以春酒漬小豆多痛倍瞿麥痛未開倍白芷多膿倍黃耆薏苡仁芍藥良○李溫如八行家寶秘療癰背藥方不以傳人其子秉彛客於新吳大姓羅氏一日出遊偶忘封鎖書篋為諸生竊取其方錄之秉彛歸為之出涕蓋其

父子以此方救人之死甚多深不欲傳也其用藥次第如後

初覺瘡發時先服通關散 治發背肉潰及諸惡毒衝心嘔逆

以菰豆不拘多少為末每服二錢入乳香一錢并花水調下以利為度未利更入乳香再服

次用藥試發瘡可治不可治

白礬一兩天南星一

右為末以冷水和勻傅腫處留出瘡口仍以筆畫泥瘡暈若藥力勝則腫消皮皺此為易治若腫處皮急暈即難治

次服赤小豆

用赤小豆半升不去皮生為末每用一兩匙以冷水調下連併服盡未退再服半升取口鼻大便出血為度服豆末時不可喫飯

次服四味散

石上薜荔

二兩

地榆

一兩

甘草節

一兩

當歸

一兩

右為末溫酒調下三錢

次服

膨脝葉

一斤

岡穀刺葉

一斤

右旋採勿令婦人雞犬見碓臼內舂爛每用一碗許以酒一盞浸去滓溫服仍以藥滓罨瘡

次用欬瘡口生肌散

木香

檳榔

黃連

洗去鬚

右等分淨器碾為末時以傅瘡若瘡潰爛傳了更以常用膏藥或雲母膏貼定聽膿水自出若有此藥傅後瘡口未便歛白艾末輕粉各少許勻傅即有速效

麝香蟾酥丸

治一切癰疽發背疔瘡內毒如未破用

針刺破撚藥在內膏藥貼之其瘡即潰

蟾酥

輕粉

乳香

各半錢

明信

雄黃

各一錢

巴豆

十个去

皮油 麝香

許少寒食麪

三錢

右為細末滴水為錠子如小麥大量瘡為度

八味黃耆散 治癰疽發背

黃耆 芎藭 大黃 黃連 芍藥 莽草 黃

芩 梔子仁

各等分

右治下篩鷄子白和如泥塗故帛上隨腫大小傅之
乾則易若已開口封瘡上須開頭令出氣

治癰疽發十指或起膀胱及發背後生惡肉者

猪蹄

一具治如食法

當歸

大黃

芎藭

芍藥

黃芩

獨活 莽草

各一兩

右咬咀以水三斗煮猪蹄取八升去之內諸藥煮取四升去滓漬瘡兩食頃洗之拭令乾傅麝香膏

麝香膏 治癰疽及發背諸惡瘡去惡肉

麝香

蘭茹

一作真珠

雄黃

礬石

各一兩

右為末以煮膏調如泥塗之惡肉盡止却傅生肉膏

生肉膏 治癰疽發背後生肉

生地黄

一斤

辛夷

一兩

獨活

去蘆頭

當歸

焙

大黃

炒

黃耆

剉

芍藥

白芷

芍藥

黃芩

去黑心

續斷

各一兩

薤

白

五兩

右十二味㕮咀以臘月猪脂四升煎取白芷黃下之
去滓傳之立效

參苓順氣散 病癰疽之人進飲食降氣健脾

烏藥

一兩半

白茯苓

去皮

真紫蘂子

微炒

人參

去蘆各一分

青

皮

去白麩炒

粉草

炙各半兩

白朮

泔浸半日焙麩炒

白芷

不見火各一兩

右為細末每服二錢水一盞生老薑連皮切三片棗

一枚煎至八分空心溫服煎藥不用薑能發熱動氣

茯苓開胃散

白茯苓

去皮一兩

粉草

炙半兩

枳殼

去穰麩炒黃一分

右為細末每服一錢入鹽一捻沸湯點服無時候

龍腦麝香錠子

追毒回瘡止痛生肌

龍腦

錢三

麝香

錢二

輕粉

錢半

粉霜

錢三

雄黃

錢半

乳香

錢一

雌

黃

錢半

巴豆

十四個去皮尖

右為細末乾飯為丸如小麥大紅在瘡上其瘡腫時藥敷上用貼治疔瘡研絰在瘡內忌冷水

消腫膏 治發背癰疽一切惡瘡

生烏麻油

鉛丹

研

黃蠟

各四兩

熊脂

松脂

各一兩

水銀

硫黃

研

芒硝

研各半兩

右取五月四日早於淨室中用銀石器炭火上微煎至初五日早勿令息火膏成看瘡腫大小以故帛攤貼之未作膿便消合時忌婦人猪犬見臘月臘日合亦良其水銀熊脂於掌中研入諸藥

當歸貼方

療諸癰瘡發背有膿血

當歸一分 蟪分

丹參

附子

炮

蠟蜜

桂心

膠

各一
分 梔子十枚

右合煎以貼瘡上

琥珀犀角膏 治癰疽不曾宣毒致熱毒衝心經咽喉

口舌生瘡及紅黑菌者

真琥珀

研

生犀角屑

各一兩

辰砂

研二錢

人參

去蘆

二錢 茯

神

去木皮 二錢

真腦子

研一字

酸棗仁

去皮 二錢

研

右人參茯神犀角為細末入乳鉢內別研藥味和勻

用煉蜜搜為膏子以麤餅收貯候其疾作每服一彈子以麥門冬去心濃煎湯化服一日連進五服取效
追毒散 追毒排膿

五靈散

川烏頭

炮

白乾薑

炮各一兩

井鹽

全蝎

各半

兩 釣靈根

三兩

無心草

二兩

右為細末每用藥少許津唾調塗患處釣靈根一作常靈根

萬應鐵針丸

治一切腦背疽惡毒大瘡欲死者一粒

即愈

麝香

三錢

蟾酥

三錢

舌試

血蝎

三錢

嚼如蠟者用

輕

散者非真不可用

粉

三錢

硼砂

三錢

片腦

一錢

蜈蚣

一對

全用

右為極細末煉蜜和為劑如瘡有頭用針挑破微有

血出將藥一黍米大放於挑破瘡口內上用紙花周

圍唾津濕沾瘡上其藥不過時刻即效如兩三刺見

無頭瘡者即是暗疔俗云要瘡是也即將兩手虎口

白土紋用針挑破如前藥封蓋忌鷄鵝酒濕麪一切

發熱之物

清心散 治癰疽有熱證

遠志

製

赤茯苓

赤芍藥

生地黃

麥門冬

去心

知母

甘草

生各半分

右剉每三錢薑棗煎服小便秘加燈心木通

獨活散 浣洗一切癰疽

獨活 黃芩 莽草 當歸 川芎 大黃 赤

芍藥

各一兩

右為散分作兩次先用猪蹄以水二升煮令蹄熟去蹄入藥再煎十餘沸去滓乘熱洗瘡

車螯散 治癰疽初發腫痛或少年熱盛發背等急宜

宣毒利下熱退為度大人小兒四季皆可服之

紫背車螯

一雙鹽泥固濟火煨通紅地上出火毒用

輕粉

甘草

各二錢

大黃

五錢

黃芩

漏蘆

去

瓜根

各半兩

右為末每服二錢薄荷湯下連利酒亦可

單煮大黃湯 治同上氣血衰者不可用

大黃

甘草

各等分

右剉散每服三錢水一盞半煎空心服利下熱毒

排膿散

廣濟療癰疽

黃耆

十分膿多倍

青小豆

一分熱口乾倍

芎藭

三分肉不生倍

芍藥

三分

痛不止倍

白欬

三分有膿不合倍

括萎

三分若渴小便利倍

甘草

三分炙

右為散酒服方寸匕日三服不利忌海藻菘菜熱麪

魚蒜

止痛靈寶散

鬼繫腰

生竹籬陰濕石岸絡石而生者佳路木者無用其藤柔細兩葉相對形生三角用藤

葉一兩洗淨
晒乾不見火

皂角刺

一兩剉新
瓦上炒黃

甘草節

半兩
瓜蒌大者

一个取仁亦
用新瓦炒香

明乳香

一錢
別研

沒藥

三錢
別研

右除乳香沒藥外為粗末入乳香沒藥和勻每服二錢水一盞酒半盞慢火煎至一盞去滓通口服無時

壓熱神白膏

大黃 白欬 黃蘗皮 南星 赤小豆 黑蛤

粉

右為細末用芭蕉清汁調塗腫上遇乾時更用蕉汁
刷濕

內托黃耆丸 治因用針砭傷其經絡白膿赤汁逗流
不止

生黃耆

去蘆焙
對八兩

當歸

洗焙
三兩

肉桂

去淡者
不見火

木香

沉

香 乳香

別研各一兩諸
香並不見火

右為細末用菴豆粉四兩生薑自然汁煮糊丸如梧
桐子大無時溫熱水吞下四十五十九

替針丸 治癰疽已潰未破後膿出不快者

白丁香

字一 研砂字一

石灰餅

入藥內 拌炒

糯米

十四粒一 法用煉倉

米

沒藥

乳香

各一字

右為細末粳米飯旋丸如麥粒大每用一粒米破用
津貼瘡頭薄處已破膿滯不快則用二粒紐瘡內使
膿不滯好肉易生三因方無乳香

枳殼丸

治瘡疽熱癰腫瘰癧

枳殼

麩炒 去穰

牽牛

炒取 頭末

木香

青皮

各一兩

甘草

大

黃

右為末用皂角長一尺猪牙三挺約三兩炮焦槌碎
以好酒煮軟按取汁熬膏調粘和前藥末為丸如梧
桐子大每服三五十九食後葱茶下日進二服
升麻搗腫湯

升麻 黃耆 防風 川芎 生地黃 細辛

等分

右咬咀用藥二兩水二升煎十沸稍熱淋搗內消

通聖雙行湯 治傷風寒暑濕或澁或散使氣血滯凝

肉腐為膿壅結成癰疽隨處發作

大黃

蒸一兩

木鱉

去殼切

防風

枳殼

桔梗

甘草

各一分

右為剉散每服四大錢水一盞煎七分去滓入朴硝兩錢重煎鎔熱服得踈轉一兩次即服萬金湯若陰證只服萬金不可用聖雙行湯

復元通氣散 治諸氣澁耳聾腹癰便癰瘡疽無頭止痛消腫

青皮

陳皮

各四兩

甘草

三兩生熟各兩半

穿山甲

炮二兩

括

蔓根

二兩

金銀花

連翹

各一兩

右為細末熱酒調下

消腫毒方 專用塗諸瘡疽

川烏 蚌粉 草烏 海金砂 赤小豆 天南

星

各等分

右為末用生地黃汁調塗患處佳

越椒散 洗諸癰疽

越椒

一名
梔子

黃芩

甘草

當歸

羌活

白芷

各等

分

右咬咀每用一兩水五碗煎至四碗去滓溫洗

當歸連翹散

治腦疽發背諸惡瘡咽頰不利舌腫喉

閉鼻衄出血咳嗽痰實

驚絲藤

芍藥

梔子

大黃

當歸

切

連翹

各等

分

右為粗末每服三錢酒一盞半煎至六分去滓溫服

食後日三服量力減加熱實加倍以利之陰證者加大黃一方生薑五片水煎服之

蠲毒散

治癰疽腫毒未結則散已結則潰去風排膿

天南星

一兩

貝母

三分

白芷

赤小豆

各半

雄黃

二錢研

直僵蠶

焙用半兩

右細末初用醋調傳後用蜜水傳

癰疽宣毒方

諸癰疽已破未破通用

瓜蒌

一箇去皮判細用

皂角刺

甘草

微炙各二錢

乳香

輕

粉

各半錢

紫車螯殼

一箇黃泥和鹽塗得煨通紅用二錢

右細末先用老酒二碗煎瓜蒌濾清取一碗五更煖用瓜蒌酒調上項藥末空心服大便自下惡物如魚涎狀

消腫散 癰疽通用

澤蘭皮 天南星 赤小豆 白芷 姜黃

各一分

白芨

半分

右細末酒調傅或蜜水醋同調傅

退毒散 癰疽通用

木鱉子

去油

天南星

半夏

生赤小豆

白芷 草

烏

連皮火等分

右細末硬則法醋調傳熱熨則蜜水調傳

退腫散 癰疽腫毒通用

天南星

圓白者

半夏

生各半兩

赤小豆

五倍子

白芷

貝母

各二錢半

右細末蜜醋調傳

乳香膏 治癰疽腫毒惡瘡排膿止痛收縮筋脚

乳香

竹葉包
熨研

沒藥

各一分

輕粉

一錢

麝香

半錢

黃蠟

二錢

草

麻仁

一兩

右搗研極細成膏撫紙折薄攤藥留眼貼之日二換
或純用草麻子仁入沒藥研細傅貼

神聖內托散 未成者散已成者膿血自消

沒藥

一錢鮮
明者

大黃

一斤

甘草

半斤

牡蠣

四兩

山梔子

二兩

乳

香

五錢

右粗末每服五錢水一大盞煎至三五沸去滓入蜜半匙調勻溫服年壯力盛人加至兩水一小盞煎服劑下後宜以十六味流氣飲調理血氣復常

立效散 治疽背膿瘡癰毒

當歸尾 苦參 南星 黃芩 黃柏 草烏尖

各等

分

右為末煎茶清調敷患處存瘡破處如不破通生肌散米醋調陽證朴硝陰證加川烏尖

損腫升麻湯

升麻 芒硝 黃芩 漏蘆 梔子仁 蒴藿

右㕮咀每用藥二兩水三升煎十沸帛蘸藥搗潰腫處

薏苡仁散 主令癰自潰長肌肉方

薏苡仁 桂心 乾薑 白歛 當歸 肉蓯蓉

各一兩

右為散先食溫酒服方寸匕日三夜再忌生葱

神仙追毒丸

一名神授丹又名神仙解毒萬病丸

解一切毒如被狐狸

鼠莽惡菌河魴食疫死牛馬肉等毒或蛇犬惡蟲所傷又治癰疽發背及魚臍瘡人多不識喚作癰疽治殺人者及治諸風癱瘓赤腫丹瘤等

山茨菰

去皮淨焙秤二兩重

文蛤

一名五倍子槌碎先焙淨秤三兩重

麝香

三錢

別研入

千金子

一名續隨子去殼研去油取霜一兩

紅牙大戟

去蘆洗淨焙乾

秤一兩半

右除千金子麝香外三味為細末後却入研藥令勻

用糯米煮濃飲為丸分為四十粒每服一九研生薑
薄荷汁并華水研服如是乾薄荷濃煎湯冷磨服亦
佳通利一兩行無妨只用溫白粥止住合時宜用端
午七夕重陽日合或遇天德月德日亦佳合時湏淨
室焚香至誠修製毋令婦人雞犬見效驗不可具述
宜珍藏之若游宦嶺表纔覺意思不快便服之即安
二廣山谷間有草曰胡蔓草又名斷腸草若以毒人
急水吞之急死緩水吞之緩死又有殺毒蛇以草覆

上以水灌之數日菌生其上取為末調酒以毒人始
若無患飲酒即毒發立死其俗淫婦人多自配合北
人與之情好多肯逐北人而陰以藥置食中比還即
戒之曰子復來若從其言即復以藥鮮之若過期不往
則必死以名曰定年藥北人屈彼亦宜誌之若覺中
毒四支不調即宜服之或於鷄豚魚羊鵝鴨等肉內
下藥再食此物即觸發其毒急服此藥一粒或下隨
手便瘥○昔有一女子病勞瘵命在旦夕為血尸蟲

所噬磨一粒服之一時間唾下小蟲千餘條大者掙
為兩段後更服蘓合香丸半月遂愈別具湯使于後
茵葦菰子金石砒毒○喫疫死牛馬肉豚魚毒○時
行瘟疫山嵐瘴氣○急喉閉喉纏喉風脾病黃腫赤
眼瘡癰衝冒寒暑熱毒上攻○自縊溺水打折傷死
但心頭微煖未隔宿者已上並用生薑蜜水磨一粒
灌之須臾復甦○癰疽發背未破魚臍瘡諸般惡瘡
腫毒○湯火所傷○百蟲犬鼠蛇傷○已上並用東

流水磨塗并服一粒良久覺癢立消○打撲顛損傷
折以炒松節酒磨下半粒仍以東流水磨塗○男子
婦人顛邪鬼氣鬼胎以煖酒磨下一丸可以分作兩
服有毒即吞下自止○縊溺死邪鬼死用磨服

聖效散

黃栢

二兩去粗皮細切炒至赤黑色

穿山甲

一兩炒令黃色

檳榔

木香

各半兩

雞胗

生用

右為細末每用少許候大膿出盡方可乾摻瘡上

立效散 治發背及諸癰癤及瘰癧有效或婦人乳癰

紫色皂角刺

半斤不用枯者
細剉耐久炒赤

生粉草

二兩

乳香

別研
半兩

沒藥

別研
半兩

瓜蒌

五箇去皮取
肉并仁搗碎

右瓜蒌炒黃乾者不必炒共為細末每服二錢溫無

灰好酒調下無時候

神驗酒前散

治癰疽發背諸癰毒定痛

人參

沒藥

當歸

各一兩

甘草

炙一分

瓜蒌

一分半
生半炒

右咬咀以酒五升煮至二升淨甕瓶貯之每服半盞

浸酒半盞溫服無時候更用滓焙乾加當歸生為末
酒煮麴糊丸如梧桐子大每服五十丸用此浸藥酒
吞下順氣活血

潰消散 治癰疽諸發可以宣熱拔毒

川當歸 漢防已 赤芍藥 瓜蒌子 木鱉肉

各半兩

大黃

錢七

木香

甘草

錢

各三

右咬咀每服二錢酒水各半煎去滓露一宿空心冷
服若病勢急者凝冷服此藥較之連翹湯又無五香

而不利於虛若瘡不痛不大熱不腫高者不可輕用
沉水膏 治癰疽腫熱硬痛不止

白芨 白欬 黃栢 黃連 黃丹

各等分

右為細末新水調塗腫處

護肌膏 收暈斂毒

天南星

二兩

明白礬

並生用
七錢半

白欬

白芨

雄黃

右細末每半兩生地黃取汁調傳瘡暈外舊肉上自
外圍而促斂之又驗瘡用新水調筆蘸傳瘡藥力勝

則腫消皮皺易療若腫處皮急暈開難療

特異萬靈散 治癰疽發背腫毒

軟石膏

燒通紅碗覆在泥地上一宿

大白南星 赤小豆

各半兩

草烏

連皮半兩

乳香

別研二錢

右細末蜜水調膏從外抹收入留最高處如錢勿傳如已破切忌藥入瘡口恐痛飲毒排膿不致潰爛屢效

白芷洗方

白芷

一兩

新桑白皮

三分

貝母

半兩

漢椒

三錢

紫蘇

二

葉

右剉碎分兩次入連根葱煎以葱蘸湯洗潰爛者猪蹄煎湯洗或水膠煎湯洗亦好

追毒餅子

治諸般惡瘡因針開了口後又閉合生膿

脹痛不可忍用此藥捻成小錠麥大放入瘡口中永不閉膿水自出瘡自乾好

極等好信

半錢

雄黃

雌黃

朱砂

各一錢

輕粉

少許

右研細末用糯米糊丸如麥子大如瘡口閉合生膿

却將錠甲許入在瘡口中錠子既入仍將膏藥貼之
一日過丁子自出或不出膿瘡乾好如神效

諸疽瘡膏方

蠟

亂髮

礬石

松脂

各一兩

猪膏

四錢

右先下髮髮消下礬石礬石消下松脂松脂消下蠟
蠟消下猪膏塗瘡上

玄參散 懸癰腫毒不下食

玄參

一兩

升麻

射干

大黃

各半兩

甘草

一分

右用水煎作一服含嚥

追毒丹

治疽瘡黑陷者先用狗寶丸治次以烏龍膏

收腫散毒去赤暈乃用針刀開瘡納追毒丹使之潰
然後去敗肉隨膿排證治之癰疽疔瘡附骨疽並治
之

巴豆

七粒去皮心不去油研如泥

白丁香

一錢

雄黃

黃丹

各二錢

輕粉

一錢

右研和加白麪三錢滴水為丸如麥狀針破瘡納之

上復以乳香膏追出膿血毒物漏瘡四壁死肌不可
治亦以此法追毒去死肌乃養肉便愈矣疾小者用
一粒大者加粒數用之一方加蟾酥丸尤神速

治癰疽發背已潰未潰及諸腫毒

枯菱根 榆白皮 故燕窠 鼠糞土

右各等分為末以女人月經衣水洗取汁和如泥封
腫上乾即易潰者四面封之已覺即封從一日至五
日瘥

神功麻仁丸

麻仁

去殼研
令極細

川大黃

三兩溫
紙裹煨

人參

三分
去蘆

訶子

煨取
肉三

兩

右除麻仁外為細末和麻仁令勻煉蜜丸如梧桐子
大每服三十九丸熟水任下食前臨卧服

排膿托裏散 治一切瘡癰癰毒及腸癰背疽或赤腫
而未破者或已破而膿血不散渾身發熱疼痛不可
堪忍者并治婦人妳癰一切毒腫並宜服之

地蜈蚣 赤芍藥 當歸 甘草

右等分為細末每服二錢溫酒調下不拘時

靈寶膏 治發背癰疽宣熱散毒排膿止痛及腦癰疔
癰疼痛不可忍

大瓜蒌

三十箇去皮留穰
子炒香取仁細研

乳香

二兩
胡桃六十箇取
肉去皮同

瓜蒌
細研 白蜜 一
斤

右以銀石器內慢火熬成膏每服兩大匙溫酒調下
不以時候服一方無胡桃用瓜蒌五箇乳香五塊蜜

一斤熬成膏每服三二錢日二服。大治發背諸惡瘡等日進二服無不立效昔嚴州上人一通判忘其名母病發背祈禱備至夜夢呂真人服青衣告云為公極孝故來相告更遲一日不可療矣通判公急市藥治服之即愈楊和玉得此方家中使令凡百瘡腫等患服之皆效遂合以濟人無不驗者漏瘡惡核普皆治之

烏龍膏 治一切腫毒癰疽色赤暈

木鱉子

去殼

半夏

各一兩

小粉

四兩

草烏

半兩

右令鐵鉋內慢火炒令轉焦為細末出火毒再碾細以冷水調傳一日一換

逼毒散

治諸般腫毒癰疽

白芷

半斤

貝母

十二兩

香附子末

六兩

甘草

三兩

右為細末每服二錢用溫酒調下隨病服

內補散

治癰疽已破托膿敗毒

白芷

二兩

官桂

一兩

香附子

三兩

甘草

半兩

右為細末每服二錢用酒調下

拔毒散 癰疽腫結通用能散能潰

南星

上等大白者一兩

草烏頭

白芷

各半兩

木鱉子仁

一个

右細末分兩次法醋入蜜調傅紗貼之

穿山甲散 癰疽托毒排膿治五毒附骨在臟腑裏托

出毒氣止痛內消

蜂房

一兩蛇退

穿山甲

油髮

並燒帶生存性各一分

右為末每服二錢入乳香末半錢煖酒調下

皂棘散 托毒排膿

川烏

半兩

甘草

生一兩

乳香

一分

皂莢刺

燒帶生存 性四兩

右為末每二錢溫酒調下

麝香散 癰疽已結而頭不破用此

直雀屎

研一錢

斑猫

去頭足翅 一錢半

腦

麝

隨意

右細末法醋調少許點在有頭處立破急用煎黃連湯洗去

當歸酒 治癰疽陰證頭平向內沉黯不疼渾身患處

不熱

辣桂

去粗皮
半兩

當歸

四錢

木香

白芷

各二分

右細剉每服三錢半醇酒一碗慢火煎七分入乳香末半錢不飢飽溫服以排膿內補散加味千金正氣散為佐以米補猪蹄膂肉為養喬麥麴能發起可煮食之如更不發起用狗寶薑附湯當歸木香炙甘草煎服之更不發起用

又方

穿山甲

頭截片子
醋炒焦

人牙

煨留性
各一分

右為末分作兩服用辣桂當歸去節麻黃煎酒食前
調下患處用生薑汁和麪厚塗或用川烏硫黃人牙
煨並細末酒調傳之

癰疽腹痛方

辣桂

一分木香

芍藥

北五靈脂

各半
分

右剉散每服三錢薑棗煎服

癰疽方

赤小豆 萊豆 黑豆 川薑黃

各等分

右細末未發起薑汁和井華水調傳已發起蜜水調

傳

家寶方柞木湯

一名柞木飲子

治發背及諸般癰腫

柞木葉

一葉刺在處有之焙乾

地榆根

刷洗去土切片煨

萱草根

洗去

土切片
煨乾 乾荷葉

各等分

右如急用濕者亦可共為粗剉將大斗瓶一隻入藥半瓶却灌新水令瓶滿煎拆二分存八分無時溫服

不拘多少飲多為妙如赤腫未結即自大便中下其
狀如碎猪肉勿以為怪如瘡黑赤為候怪證定結成
頭服之兩日黑定變赤其赤處變成紅穿用貼歛藥
得遂得効方用竹葉四兩柞葉四兩餘三味各一兩
外加甘草節一兩剉為散每半兩水二碗煎至一碗
分二服早晚各一服併滓再煎服膿血自乾未成者
自消忌一切飲食毒

追毒散又名四調膏 治一切癰疽瘡瘍

滑石 寒水石 黃連 大黃

各等分

右為細末用朴硝調傅上瘡腫處

藤花散 治癰疽腫瘡毒內附筋骨裏托內消迴活氣

血

鷺鷥藤

莖葉花附

黃耆

甘草

生各半兩

桔萋根

半兩

右為粗末每服五錢酒二盞煎至一盞紗絹拗濾去滓溫服日三無時

猪蹄湯

升麻 甘草 芍藥 蒴藿

各等分

右咬咀每服藥四兩水一斗猪蹄一對煮蹄軟取出
次下藥再煎汁沸帛蘸淋搗之此藥如毒已破其熱
漸退即常服如患初發未破此藥性雖暖大能去熱
毒

化毒排膿內托散 治一切癰疽發背諸般瘡腫未成
膿者自散已成膿者速潰貼膿自出至瘡口合止

人參 當歸 川芎 防風

各一兩

右同為細末每服五錢熱酒調下不拘時候

治生癰疽腫毒已未成者

生大黃 山梔子 金銀藤 蝟殼

煉過末子

右約三錢研和一處酒水為小煎至大半碗病在上
食後病在下空心服如生成者用皂角針七八枚將
尖頭火內燒作炭敲尖在內如前煎

阿膠飲子 治一切癰疽發背挾瘰癧瘡疥癰癰毒

明牛膠

剉粉炒如珠出炒毒

粉草

生剉各一兩

化橘紅

半兩

右咬咀分作三分每服以水一碗煎至七分去滓候溫病在上食後服病在下空腹服試之有效一方有紫色皂角刺燒存性等分

轉毒散 治發背癰疽不問淺深大小利去病根則免

傳變不動元氣解癰積排膿血一名小車螯散一名

去毒散

車螯

紫背光厚者又名婦娥以鹽泥固濟煨令通赤候冷淨取末一兩用生甘草一分

輕粉

半錢

右細末每服四錢以濃煎枯萆酒調下五更初服轉下惡物為度未知再用枯萆一箇去皮酒一碗煎至一盞調一服甚者不過二服要須熱視其勢若大段聚則急服之效在五香連翹湯之上但稍緩者只服五香連翹湯急切須急服神仙截法凡發背者自內出外始名發背其疾實緣熱當心在中隔上下不通拆以承背上虛處出也先三五日癰疹妨悶在肌膚中積漸成腫如出皮膚結聚成腫故名發背

麥飯石膏 治發背諸般癰疽神效一名鹿角膏又名

三神膏

白麥飯石

其石顏色黃白類麥飯團者是也如無此石只尋舊麴磨近齒處石不限多少

用炭火煨至紅以好米醋淬之如此煨淬十次方得却穰為末重羅去粗者取細末入乳鉢內用數人更迭研五七日
要如麴樣細炒用 鹿角 骨全者即是生取之角方
可用截作二三寸長炭火內燒令煙盡為
度礪羅為末再入乳鉢內更迭研令極細
末 細 白 斂 為 研

右用煨成麥飯石細末二兩鹿角灰細末四兩最要


研得極細方可效驗若研得不細塗即極痛苦細而嫩則大能止痛收口排膿精粗之效不同者如此和合時量藥末多寡用經年好米醋入銀石器內煎令魚服沸却旋旋入前三味藥末在內用竹篦子不住手攪一二時久令稀稠得所取出傾在瓷盆內候冷以紙蓋慎勿令着塵埃每用時先以猪蹄湯洗去瘡上膿至淨以故帛挹乾以鵝翎拂藥膏塗傳四圍凡有赤處盡塗之但留中心一口如錢大以出膿血使熱

毒之氣隨出如未潰能內消如已潰則排膿如湍水
逐日見瘡口收斂如患久肌肉腐爛筋骨出露用舊
布塗藥以貼瘡上但內膜不穴亦能取安洗瘡勿以
手觸動嫩肉仍不可以口氣吹着瘡更忌有股氣之
人及月經見行婦人或有孕人見合藥亦忌此麥飯
石須好者鹿角須生帶腦骨者燒灰時却不用腦骨
但要辨其生取與自退耳若能精虔選擇修製收功
多矣仍可熬米醋一大盆收甕內候逐日用藥於

瘡上久則其藥乾常用鵝翎點醋拂溫其藥勿令綳也初須一日一洗一換藥十日後兩日一換○古方云白麥飯石顏色黃白類麥飯舊作磨者尤佳愚謂麥飯石不可作磨如斯言則惑人以麥飯石其狀如飯團生粒點若無此石當以舊麪磨退齒處石代之以其有麥性故也此石或無賣者只於溪中尋麻石中有白石粒如米大者即是也但大小不同或如拳或如鵝卵或如盞大畧如握聚一團麥飯焉

古之呂
西華北

方傳以外舅之親計其不可得裴員外嚙之以名利
河南尹脅之以重刑呂寧絕榮望守死不傳君子責
之以存心隘是方
之得不易如此



普濟方卷二百八十三